



partii naleraq

Nuuk 22. maj 2020

UPA 2020/45

Jens Napätök, Partii Naleraq

Kalaallit Nunaanni tamat oqartussaanerata innuttaasunillu peqataatitsinerup killiffia naammaginartumik inissisimanersoq pillugu apeqquteqaat aallaavigalugu oqallinnissamik siunnersuut.

(Inuit Ataqtigiit Inatsisartuni)

Siullermik Partii Naleqqammit Kalaallit Nunaanni tamat oqartussaanerata innuttaasunillu peqataatitsinerup killiffia naammaginartumik inissisimanersoq pillugu apeqquteqaat aallaavigalugu oqallinnissamik siunnersuut Inuit Ataqtigiinniit saqqummiunneqartoq pillugu qutsavigerusuppagut.

Partii Naleqqamiit pingaartitarilluinnakkatta ilagivaat Kalaallit Nunaanni kikkut tamarmik oqartussaanerata illersornissaat innuttaasunillu peqataatitsinissaq. Nunap inui aallaavigalugit taakkulu peqataatillugit ingerlatsinissaq.

Kikkut tamat oqartussaanerat qallunaatut demokratiimik oqaasersiaalluni taaneqartartoq asigiinngitsorpassuarnik paasineqartarpoq, soorlu Naalakkersuisut siulittaasuata Inatsisartut suleriaaserput pillugu imm 168 oqallisiginerani. Inatsisartut apeqqutaannut paragraf 37 naapertorlugu Naalakkersuisut akissuteqartarnissaat pillugu killilersuiniarneq pillugu demokrati/tamat oqartussaaqataanerata nammineq isummani malillugu tupaallannaraluaqisumik oqaatigaa isumaqartoq:

Issuaarpara,issuaaneq aallartippoq:

“Demokrati isumaqarpoq amerlanerussuteqarneq”

Issuaaneq naavoq.

Uagut Demokrati/tamat oqartussaanerat Partii Naleqqamiit Naalakkersuisut siulittaasuaniit allaanerujussuarmik ilinniarsimanerput ilutigalugu paasisimavarput.

Tassa uagut paasinikuuarput demokrati/tamat oqartussaanerat tassaasoq innuttaaqataasut tamarmik oqartussaaqataanerata. Kikkut tamarmik qinersisinnaanerat. Pituttorneqanngitsumik inuup illersugaalluni nammineq sunnerneqarani qinersisinnaanera, inuillu ataasiakkaat namminneq inuunermini akisussaaffiginera, soorlu nunatsinni inersimasut tamarmik qinersisinnaatitaasuseqartut qinersisinnaasut aammalu killilersorneqaratik isummersorsinnaasut oqaaseqarsinnaasullu.

Tassa oqaaseq demokrati/Tamat oqartussaanerat grækerinit oqaasersiaavoq Demos isumaqarluni inuiaat kratos-ilu imaqarluni aqutsineq. Demokrati-lu Tamat oqartussaaqataanerata taamaasilluni isumaqarluni inuiaat aqutsinerat, tassalu oqartussaaqataasut innuttaasuniilluni.



partii naleraq

Nuuk 22. maj 2020

UPA 2020/45

Jens Napätök, Partii Naleraq

Taamatullu tamat oqartussaanerat aamma immikkoortinniarneqartarpoq aqutseriaasimut tunngasumik aammalu inuttut isiginneriaatsimik qanoq isumaqarnermik nalilersuinermi.

Tamat oqartussaanerani amerlanerussuteqarnerunngikkaluartoq taamaattorli Naalackersuisut siulittaasuat pissaanerup agguarneqarnerani inissiisarnermi ilumoorpoq pissaaneq amerlanerussuteqartunit tiguneqartartoq qinersereernerup kingorna.

Naalackersuisut siulittaasuat maannakkulli amerlanerussuteqarnani immikkuullarissumik ikinnerussuteqarluni Naalackersuisuutitaqarpoq Demokratit ikorfartortitut amerlanerussuteqaa-tigalugit. Taamaamat aamma amerlanerussuteqanngikkaluarluni Naalackersuisoqarsinnaalluni.

Tamat oqartussaanerat illuatungerisarivaa kisermaassilluni imaluunniit inuit ataasiakkat tassalu ikittuinnaat allaavigalugit Naalackersuinermik ingerlatsineq. Nunarsuatsinnilu kisermaasillutik ingerlatsisut nunat ikittuinnaangorsimapput soorlu nunat taasinnaasatta ilagaat Kina Korea-lu, aamma ilaasa malunnarpoq oqartuartaarutiginiartaraat nunarput kisermaassilluni ingerlatsiviusoq qulaaniit inuit ataasiakkaaginnaat oqartussaattillugit ingerlatsisoqarnera isumaqarfigalugu nalilersuisarnermikkut.

Kisermaassilluni ingerlatsinermi ikinnerussuteqartut pisinnaatitaaffeqanngillat, allaat inuit nammineq isumartik atorlugu oqalussinnaatitaasanngillat, allaat oqartussaasunut isornartorsiuneq ulorianartutut isiginiarneqartarpoq pissaanilinnut.

Tamat oqartussaaneranni kikkut tamarmik politikikkut killilersugaanatik isummersorsinnaaput aammalu partiinut pituttugaannginnissamik nammineq isummamik annissinnaanissaanut illersugaapput.

Tassa tamat oqartussaaneranni ingerlatsinermi inuiaqatigiinni ingerlatsinermi oqallinnerit ingerlanneqarsinnaasussaapput, suliffimminit ataatsimoortunik arlaanaannilluunniit killilersorneqaratik ammasumik isummersorsinnaallutik inuiaqatigiinni sugualuartuniluunniit aaqqiiniarnissamut.

Inuit Ataqtigiit tamat oqartussaanerat innuttaasunillu peqataatitsinerup killifia naammaginatsumik inissisimanersoq nalilersorniartillugulusooq oqallisissiamik saqqumiinerat soormitaavaana pisariaqalersimasoq.

Tamannali Inuit Ataqtigiinniit kisimi apeqqutigineqaranilu nalilersorneqannginnera maluginiagassaavoq. Inuiaqatigiinni oqallisaaqaaq, soorlu ilai isummersortarput Demokraatit Inatsiartuni ilaasortanit arfiniliinnaallutik inuiaqatigiinni sunniuteqarpallaartartut aammalu naaperiaaneq pitsaanagerusumillu anguniagaqarneq oqaloqatigiinneq pineqarani



partii naleraq

Nuuk 22. maj 2020

UPA 2020/45

Jens Napätôk, Partii Naleraq

amerlanerussuteqartut aaliangiinerat kisimi aallaavigineqarparlaartoq maannakkut pissaanermi tigumminittuniit.

Tamanna ilaatigut pequtaalluni uagut Partii Naleqqamiit aamma suleqataajunnaarnitsinnut pequtaqaqataasut ilagaat. Soorlu Naalakkersuisuni oqaloqatigiinnikkut naaperisaasoqarani Naalakkersuisut siulittaasuat taasititsiinnartarpoq, taasititsinermilu naligiittoqarmat Naalakkersuisut siulittaasuat nammineq taasinini marloriaatitut naleqartillugu atortarlugu, tassa naligiilluni taasigaluarneq soorlu 4-4 inissinneq oqaloqatigiinnikkut naaperiarfissarsiornagu nammineq taasinini marloriaatinngorlugu imminut marloriaammik naleqartilernermini inuit arfineq pingasuk taasisut qulaaluat taasineratuut inissittarpaa taasineq 4-4-raagaluartoq 4-5-inngorlugu imminut partiinilu kisiat ajugaatittarlugu. Taamatut matoqqasorujussuarmik aammalu killersuisorujussuarmik aqutsineq uagut naaggaarsimavarput Naalakkersuisuutitaqarnermi amerlanerussuteqarniaannartut atornerlunneqarnerput naammaginnginnatigu.

Tamat oqartussaaneranni aqutseriaatit periarfissasinnaasut marluusut qiviraanni Partii Naleqqamiit isumaqarpugut inissisimanermik amerlanermik sinniisut aallavigalugit aqutsineq annertuaallaarujussuartoq. Tassalu qallunaatut oqaatigineqartartoq repræsentativ demokrati.

Tassa pissaaneq inuit tunniussimasat amerlanerussuteqarneq atorlugu inuit oqariartuuteqarniartarlualutut, allaat inuit akerliullutik isummamminnik anitsiniarlutik katersuuttut 2.000 tikillugit katersuussimasut naaperiarnagit oqarfigiinnarneqartut Naalakkersuisut siulittaasuani isigisarpagut tusaallugulu oqartoq "Qinersereerpsi"

Partii Naleqqamiit isumaqarpugut amerlanerussuteqaraluaanniluunniit suliat inuiaqatigiinnut pisut innuttaasut naammaginngilluinnarpagit aaqqeeqqusippatalu taakku aamma tusaaniarneqarsinnaanissaat ammaffigineqarnerusariaqartoq.

Tamat oqartussaaneranni aqutseriaaseq aappa atorneqarnerusinnaasoq Partii Naleqqamiit kissaatiginarsinnaagaluarpog. Tassalu qallunaatut taaneqartartoq direkte demorkati. Taanna periuseq innuttaasunut taakkulu qanoq isumaqarneranik peqataatitsiffiummat. Aningaasartuutissatigut annertuumik aaliangiisoqassatillugu aammalu inuiaqatigiinnut pingaarutilinnut tunngasutigut innuttaasut taasitinneqarsinnaaneri tassani pineqarpoq.

Tassa aaliangigassat ima ilai annertusartigaat kinguaariinnut allaat sunniuteqartussaasarmata innuttaasut taasitinneqarneratigut peqataatinneqarnissaat aqqustiorneqarsinnaasorpasuu-sinnaagaluarpog.

Assersuutit taasaqalaassagutta Partii Naleqqamiit isumaqarpugut innuttaasut sumiifikkaartumi taasitinneqartariaqartut kommunerujussuannngorsimanerit pillugit. Innuttaasut sumiifikkaartumi



partii naleraq

Nuuk 22. maj 2020

UPA 2020/45

Jens Napätök, Partii Naleraq

kommuninngoqqikkusunnersut paasititsiniaareernermi taasitinnerisigut. Sumiiffimmi amerlanerussuteqartut taasippata kommuninngorusullutik, soorlu Tasiilami, Upernavimmi Qaanaami Ittoqqortormiini, Qeqertarsuarmi, Paamiuni Qasigiannguani Kullorsuarmi il. Il taava qitiusumiit tamanna ataqqillugu kommuninngornissaat sulissutigissagipput.

Susasaqartut sumiiffikkaartumillu kissaatit nunap inui aallavigalugit kissaatigineqartut tusaaneqarnerusariaqarput, saaffiginnissuterpasuit akineqarnerluunniit ajorput, ingerlatsineq matoqqavallaarujussuarpoq, inuit ataasiakkaaginaat aqutsinerat annertuallaarujussuarpoq. Taamaamat Partii Naleqqaminngaaniit isumaqarpugut oqalisissiaq pisariaqartoq una ataavartumik nalilersuiffiuarartariaqaripput ammanerusumik aammalu innuttaasunut peqataatitsinerusumik ingerlatsinissaq anguniarlugu.

Nunatta tamat oqartussaaqataaneraniq ingerlatitsiffiunera nukittorsartuartaqartoq Partii Naleqqamiit isumaqarpugut aammalu nunap inui tusarniarnerusariaqartut amerlanerussuteqarneq kisimi neqitariuarneqarsinnaanngilaq pitsaasumik aqutsiniassagaanni innuttaasut peqataatinneqarnerusariaqarput.

Tamat oqartussaaneerat illersortigu inerisaqqitsigu

Qujanaq.